



UNIVERSITÄTS-  
BIBLIOTHEK  
PADERBORN

## **Facilis Et Succincta S.S. Canonum Doctrina**

**Pirhing, Ehrenreich**

**Dilingæ, 1690**

Sectio II. De inquisitione.

---

[urn:nbn:de:hbz:466:1-61641](#)

Tertiò extinguitur per mortem rei delinquentis, ita ut ad poenam corporalem hæredes rei condemnati non teneantur, nec ad pecuniariam fisco applicandam, si reus ante sententiam condemnatorum criminis moriatur, nisi inter excepta crimina numeretur illud, de quo reus accusatus est, quo in casu etiam lite non contestata cum defuncto, contra hæredes proceditur; vel ex delicto civiliter tantum conventus fuerit, ad poenam pecuniariam parti læse applicandam, quo in casu iterum hæredes ex bonis defuncti tenebuntur.

## SECTIO II.

### *De inquisitionibus.*

#### §. I.

##### *De inquisitione in genere, & potestate inquirendi.*

Inquisitio in genere dici potest, esse aliquius criminis manifesti, ex bono & agno à judice competente, legitimè (secundum jura & Canones) facta investigatione. Et quamvis iudex condemnare non possit aliquem, sine accusatore, non debet tamen semper esse accusatio formalis, sed sufficit sæpe accusatio virtuallis, per publicam infamiam, indicia, &c. quæ locum faciunt inquisitioni.

Est autem triplex inquisitio; alia simpliciter generalis, sive generalissima, qua sit ex mero officio iudicis, neque persona aliquâ certâ, neque certo crimen expresso; an non committantur v. g. delicta quædam in civitate aliqua, &c. alia est inquisitio mixta partim

generalis, quoad personas, partim specialis quoad delicta, vel è converso, utrum Titius v. g. flagitia quædam patrit, vel à quo homicidium, quod commissum est, sit commissum. Aliademi- que est simpliciter specialis, tam quoad personam scilicet, quam quoad delictum, ut cum inquiritur, utrum Titius hoc homicidium commiserit; quæ inquisitio nonnunquam sit ex mero officio iudicis; nonnunquam ad querelam alicujus, qui tamen accusatoris partes subire non vult; nonnunquam ad denuntiationem publici Officialis ad denuntianda delicta depu-tati. Potest autem quilibet iudex sive Ecclesiasticus, sive Civilis sit, inquirere, modo sit iudex competens, & reus, contra quem inquiritur, sit, saltem quoad illum articulum, super quo inquiritur, illius jurisdictionis. Et quamvis de jure Civili putent aliqui inquisitionem fieri non posse ex officio à iudice, nemine denuntiante, aut querelante, ne videatur remedium extraordinarium, qualis est inquisitio, remedio ordinatio, qualis est accusatio, præponi; de jure tamen Canonico, uti etiam hodie ex confuetudine de omnibus delictis per viam inquisitionis procedere possit iudex, & factum jam sit remedium inquisitionis reme-dium ordinarium.

#### §. II.

##### *An ad inquisitionem omnino generalem, vel mixtam requiratur, ut precedat infamia criminis, vel persone?*

A d inquisitionem omnino genera-lem, uti in genere tantum inquiri-tur, utrum in tali loco vigeant aliqua crimina

Xxx x 3.

crimina, nulla præcedens infamia necessaria est, sed potest eam Iudex præcisè ex officio suo instituere. c. i. De offic. Ind. ordin. c. 5. §. Janè de censib. in 6. c. sicut olim 25. b. t. quia talis inquisitio cum non datur contra certam personam, sed præcisè ad emendandos mores, & purgandam rem publicam, publicâ autoritate, nulli injuriosa est; & hinc non tenetur interrogatus vi illius inquisitionis manifestare occulta crima eorum, qui nullâ laborant infamia, aut quæ probare non potest, etiam sub juramento interrogetur, ad cavenda plurima incommoda iniustissimarum infamionum, nisi manifestatio talis ad emendandum tantum criminis Iudicii ut Patri, facta, necessaria esset, aut ad adverendum grave damnum.

In mixta verò inquisitione, si crimen quidem certum est, & publicum, auctor tamen illius nescitur, & de hoc inquiritur, tum nulla præcedente fama de persona aliqua particulati, non potest fieri specialis contra certam personam inquisitio, sed generaliter tantum inquirendum est, quis illud commiserit, ut Republica scilicet per generalem talem inquisitionem consulatur, nulli tamen in specie fiat injuria, si nullâ laborete de tali extimine perpetrata publicâ infamia.

### §. III.

An, & quâ ratione ad inquisitio nem generalem contra personam aliquam particularem requiratur, ut precedat illius infamia; & quomodo in tali inquisitione sit procedendum?

**P**lurima de utraque hac quæstione statuuntur in a. Qualiter &

quando 24. b. t. quod videri potest, & quæ circa illa plurima annota in his §. Auctor Method, quorum enim brevis epitome esse potest primò, quod contra personam particularem, speciali inquisitio fieri non possit, nisi prædicta publica illius personæ circa delictum infamia, ut dictum. Secundo, quod hoc vel maximè attendi debet, contra Prælatos, aut publicos megillimus inquisitio. Tertiò, quod inquisicio cienda sit, in loco, ubi est infamia. Quartò, quod fama se solè, nec in omnibus, nec in criminalibus plena probationem faciat, & sepe in criminalibus nec semiplenam, nisi orta sit infamia ex verisimilibus causis, & conjecturis, & verisimilibus alijs conjecturis maneat. Quintò, quod sit clamorosa sit, quæ sapientis ad Iudicis aures perveit, & omni habeat, non à vilibus, sed honestis personis, & si contra Prælatum sit scienda inquisitio, ut precedat tali contra eum infamia, quæ sine (candido disimulati) non possit. Sextò, quod presens debeat esse, contra quem sit inquisitio. Nisi per contumaciam (evidenter) & capitula, circa quæ futura est inquisitio, illi exponantur, ac testimoniis dicuntur, nomina, ut defensionis, & exceptionis copiam habeat, & servent debitus legitimæ correctionis modo, ut primò quidem reprehendatur, deinde crepetur, cum comminatione pone, ac postmodum suspendatur ab officio, vel beneficio, & tandem excommunicetur, prout prescribitur in cit. 6. Quædam, ex quo capitulo etiam habetur Piz. av. 30, si per inquisitionem reus reprehendatur, non facile ab ordine depонendum, sed

ab administratione tantum amoven-  
dum, nisi delicti ratio, & infamatio-  
nis periculum aliud jubeat.

§. IV.

In quibus casibus non requiratur  
necessario ad specialiter inquisitionem con-  
tra personam particularerem de aliquo  
crimine, ut præcedat illius  
infamia?

Primum non requiritur hæc præce-  
dens, de aliquo particulari, infamia,  
si alia sufficientia, & legitima indicia  
contra eum pugnant, talia enim indicia  
sepe fortiora sunt, quam ipsa præcedens  
infamia, ex levioribus sepius conjectu-  
ris orta. Secundum non requiritur, si  
fiat inquisitio ad denuntiationem publici  
Officialis. Tertiū, si pars, contra  
quam sit inquisitio, sine ulla præcedente  
infamia, aut contra quam à Principe  
fieri mandatur motu proprio, aut ex  
certa scientia, inquisitio, nihil opponat,  
nec reclameret, cum tamen sciat, contra  
se fieri inquisitionem, quia censetur talis  
favori pro se principaliter introducere,  
cedere, ut disponitur in c. 6. Si is. b. t. in 6.  
Quartū, quando inquisitio sit non ad  
effectum puniendi crimina, sed ad effec-  
tum corrīgendi ob bonum animæ, qua-  
liter fieri solet in visitationibus, in Epis-  
coporum promotionibus, in ordinan-  
dis, &c. Quintū, quando inquisitio sit  
in crimine læse majestatis, in crimine  
hæresis, & in similibus gravibus, & pe-  
culiosis criminibus, in damnum grave  
Reipublicæ, aut animarum tendenti-  
bus, &c.

§. V.

Quānam præterea jure Canonico  
statuta sive circa modum procedendū  
per inquisitionem spe-  
cialēm?

Primum statuitur in c. Qualiter 17. b. t.  
ut ordo juris in inquisitione servetur,  
qui in duobus potissimum consistit,  
primum, ut regulariter non fiat inquisitio,  
nisi contra infamatum, ut prioribus §§.  
dictum. Secundum, ut postquam de in-  
famia constat, per testes, publicam fa-  
mam, aut alia sufficientia indicia, &c.  
inquiratur de veritate criminis, ut ne  
scilicet inde nascantur injuria, unde jura  
nauci oportet.

Secundum statuitur in c. Cūm dilecti 18.  
b. t. ut non recipiantur excusationes su-  
per confessione facta, si juravit prius  
confitens, quod plenam & meram ve-  
ritatem sit dicturus; recipiantur vero  
super confessis excusationes, si juravit  
tantum confitens, quod velit ad inter-  
rogata respondere, & excusationes tales  
non pertinant confessionem, sed eam  
tantum explicent, & declarant; cūm ju-  
ramenti religio in posteriori casu patiatur  
Confessorum explicationem, non autem  
in priore casu, ubi ab initio statim omnis  
veritas dicenda est.

Tertiū statuitur in c. Cūm oporteat 19.  
b. t. quod inimici partis, contra quam sit  
inquisitio, sicuti ad accusandum non ad-  
mittuntur, ita nec admittendi sint ad  
inquisitionem prosequendam, & testi-  
ficandum; & cui simpliciter commissa  
est inquisitio super crimen, illi (tacite  
saltē) commissa etiam censeatur in-  
quisitio super fama, quæ quasi præam-  
bula

bula est ad inquisitionem, & consequeater, cui principale commissum est, censebitur etiam commissum hoc accessorium, nūl in commissione à Principe factō, assertivē etiam narretur, quod de fama sibi jam constet, ut supra dictum.

Quarto denique in c. *Ad petitionem 22. h.t.* statuitur, quod nec Legatus à Latere immiscere se possit, speciali à Papa factae commissioni, de inquirendo contra aliquem, ut dictum; & quod quilibet de universitate aliqua, contra quam inquisitio demandata est, singulariter excipere possit, si de quolibet in particuliari inquisitio fiat; à toto fere collegio, sive à majore illius parte, si contra totum Collegium communiter inquisitio fiat, cum in priore casu cujuslibet in particuliari interesse agatur, in altero verò casu totius tantum communis.

#### §. VI.

*Quæstiones nonnullæ circa modum procedendi per inquisitionem à Concilio Lateranensi præscriptum occurrentes proponuntur & resolvuntur.*

**P**leraque de primis tribus questionibus, quas habet author, ex dictis jā paenit, vel speciale nihil afferunt: uitimū quæstum est, quænam specialia sint observanda in inquisitione facta contra regulares. Responderetur, tria potissimum observanda esse, ut patet ex cit. c. *Qualiter.* Primum est, quod ordō juris non sit in inquisitione tali contra regulares quoad subtilitates, seu juris solemnitates exactissimè semper servandus, sed sufficiat veritatis probationem certam haberi.

Secundum est, quod faciliter Prelates regulares ab administratione removi possint, quam Prälati seculares. Tertium est, quod contra regulares non ut exceptiones reperiuntur, & admittuntur, sicuti contra seculares, cum rebus in schola potius virtutum, quam innocesto & solemnitatibus juris vestitū eleborantur.

#### §. VII.

*Qualiter puniendum sit crimen per viam inquisitionis probatum*

**C**ondemnatus & convictus de crimine per viam inquisitionis, non punitur penā ordinariā, sicut à legi, pro illo crimen, sicuti puniatur dimicatus & convictus per viam accusationis, sed punitur (saltem de jure Canonico) mitiore penā, & arbitriā (ut impeditus, qui in eo gravatur, quod contrarium sine accusatore procedatur, in illo in pena scilicet mitiore, relevet) nūl crimen, quod per viam inquisitionis probatum fuit, tale crimen sit, ut enim post paenitentiam peractam impedit ordinis suscepit executionem, aut beneficii retentionem, qualia criminis que irregularitatem fecum trahit, timen simoniaci in acquirendo beneficii commissum, &c. quibus in casibus, sedem penā etiam de jure Canonico alter inquisito imponenda est, qua imponitur per viam accusationis convicti & damnato, c. *Inquisitionis 21. h.t.*

SECTIO